



ATASSUT INATSIARTUNI

ATASSUT

UKA 2016/39

Knud Kristiansen

19.11.16

Nunatsinni tunngaviusumik inatsiseqalernissaanik siunnersuusiortussamik isumalioqatigiissitamik pilersitsinissaq Inatsisartut Naalakkersuisunut piginnaatitsissummik tunniussinisaat siunertaralugu Inatsisartunut aalajangiiffisassatut siunnersuut.

(Namminersornermut Pinngortitamut, Avatangiisinut, Nunaateqarnermullu Naalakkersuisoq)

Atassut partiitut aallartikkamili nunatta inuiaqatigiittullu nammineeriartuaarnissaannut aqutissat tamaasa suleqataaffigissallugit anguniagaqartuarpoq. Namminersorerullutik Oqartussaqrarneq eqqunneqarmat 1979-mi Atassut peqataavoq. Alloriarneq nunatta oqaluttuarisaanerani annertoq, inuiaqatigiittullu nunatut inuiattullu oqaluttuarisaanitsinni alloriarnerit pingaarnersaat. Taamanikkut inuit qinikkat sulisimasut ullumimut sulii inuiaqatigiit annertoqisumik qujassutissaqarfigaavut.

2009-mi namminersorneq eqqupparput. Ulloq taanna kalaallit tamatta inuiaqatigiittut oqaluttuarisaanitsinnilu angusat pingaarnersaraat – maannamut, tamattalu inuiattut tulluusimaaqaluta ulloq taanna eqqaamajuassavarput, inuiaat ataatsimoorluta siunissaq pissanganartoq illinerlu aqutigineqarsimanngitsoq nammineq illiniliorlugu aallartikkatsigu. Atassummut pingaaruteqarpoq, tunngaviusumik inatsisissamik suliaqarnermi, inuiaqatigiittut, kinaassuserput, naleqartitavut, inuiattullu immikkuullarissuserput nunarsuarmioqataanermi pingaartillugu, aallaavigalugulu sulineq imaqassammat.

Nunarput nunanut allanut sanillersuutissallugu, nunatut namminiivittutut isigissagaanni, unamminartussat amerlapput, naak namminiilivissinnaangitsugumik oqanngikkaluarluni. Tassami nunatta ilusaa imminnermini unamminareerpoq, siamasissumik nunaqarpugut, inoqarfiit assigiinnngisitaartut, illoqarfiit amerlasuut, nunaqarfiillu. Taakkulu inooriaasitsinnut, kinaassutsitsinnut, oqaluttuarisaanitsinnullu tamarmik pingaaruteqarluinnarput. Inooriaatsillu taassuma noqiinnarlugu namminiilivinneq angujartussagutsigu aqqissuussaaneq sukumiisumik inissittariaqarparput, inooriaatsip taassuma noqiinnarnissaanut.



ATASSUT INATSIARTUNI

Atassut-miillu aamma oqaatigissallugu pingaartipparput, maannamut qallunaat naalagaaffianit oqartussaaffiit suli tigunngisavut, taamaattorli inuiaat nunallu suulluunniit nammineernissamini aaqqissuussaaniikkut tunngaviini pingaarnertit ilaat, soorlu: Eqqartuussiveqarneq, illersornissamut apeqqutit, il.il. taakku sulinerup saniatigut, oqartussaaffiit angerlaannissaannut sulineq sukkatsisartariaqarmat, siunissami qaninnermi tunngaviusumik inatsisissap suliarinerani apeqqutit, aporfiusinnaasullu eqqarsaatigalugit. Tamanna sulineq piareersarnerlu ingiaqatigiittariaqarput. Inatsisinut tunngaviusussanut isumalioqatigiissitassap pilersinnissaanut nalunaarusiami apeqqutit assigiinngitsit pingaaruteqartullu tikinneqarput. Atassumilu pingaartipparput aqqutit, sukkassutsillu innersuunneqartut malillugit sulineq ingerlanneqarsinnaanera.

Tassa naalagaaffeqatigiinnerup iluani namminersorneq aamma namminiilivinneq nunatut nammineertutut qallunaat naalagaaffiata avataani. Periarfissat tamaasa sukumiisumik qulaajaaffiginissaat.

Atassummiit innersuussutigissavarput, isumalioqatigiissitassaq sulinissaanik periarfissamik tunissagipput, aammalu innersuussutigissavarput, malittaatitanik Inatsisartuni partiinit tamanit ilaasortaatalimmik pilersitsissasugut, 7-11 missaanik inuttalimmik. Taamatullu aamma isumalioqatigiissitassaq allattoqarfeqassasoq pisariaqartitanik inuttalik.

Innuttaasut peqataatilluinnarnissaat Atassut-miit pingaartilluinnarparput. Taamaattumillu isumalioqatigiissitap nunarput angallavigissavaa piffissami sulinermini, innuttaasut oqalliseqatigalugit, aammalu suut piareersimaffissat pillugit oqalliseqatigalugit.

Atassu-miit pingaartipparput, isumalioqatigiissitap piffissaq pisariaqartitani atussagaa.

Maannamullu ukiut pingasut (3) innersuunneqartut akueraarput. Paasinarsippat piffissaq sivilisuneeq atorfissaqartinneqartoq, tamanna kingusinnerusukkut qaqinneqarsinnaanera periarfissaassaaq.

Innersuussut akueralugu, taamatut iluseqartillugu innersuupparput.